



佛說無量壽經五重玄義 (附科判表)

四十六年十一月下旬講於臺南關子嶺東林精舍

沙門律航講
弟子廣化記

(一) 釋題

凡講經，先釋題，題者所以標一經的概要，以

顯示其和他經的分別。

本經經題共六字，分三段講：首講佛說；次釋無量壽；再次解經字。前二係別題，後一為通題。

佛者覺義，自覺覺人，覺行圓滿，是謂之「佛」，簡異凡夫不自覺；二乘不覺他；菩薩屬分覺，惟此無上正遍知者才得稱為「佛」。換句話說，佛就是澈底覺悟人生真義又能喚醒別人去覺悟人生真義的「先知先覺」者。說即口音宣演。此「佛說」者，係能說人，即本師釋迦牟尼佛金口宣說也。

無量壽者，是指所說之佛，即極樂世界阿彌陀佛之異譯也。此經內容，宣說無量壽佛所行、所成、及所攝化。言「所行」者，宣說無量壽佛因地所發四十八願，及其經歷無央數劫，積功累德之大行；次「所成」者，說彼佛今所成就法身莊嚴與淨土莊嚴之果；次言「所攝」者，彼佛普攝十方有緣眾生，同生彼國，住正定聚之利益。經題但標「佛說無量壽」者，乃舉正報以收依報，標天主以包徒眾也。經中佛說：「吾今為諸眾生，說此經法，令見無量壽佛及其國土一切所有，所當為者皆可求之」。又云：「其有眾生，值此經者，隨意所欲，皆可度」。可見此經法門之方便與究竟也。

又無量壽者，即吾人當前一念之心性。過去無始，未來無終，所謂「豎窮三際」，故號無量壽；又其能歷劫不壞，體同虛空，所謂「橫遍十虛」，故亦號無量光。舉此無量光壽，即一眞法界本體現前矣！因當體即是「心佛眾生，三無差別故」。

經者，貫串義，梵語修多羅，此翻為線。謂以文綴義，猶如以線串華也。又常法二義，文心云：「聖賢訓曰經」。即無論經歷多久時間，世物可變遷，而六聖所說的道理，不可改易，天下古今之人，都得用作軌則。

(二) 辨體

前既釋名，此當辨體，蓋名者實之賓，既有其名，必有其實，故次當辨體，體者實體，即一經之主體也。

本經既以無量壽標名，亦即以具不老長壽之德的「泥洹」為體，經中佛言：「今我於此世作佛，演說經法，宣布道教……度未度者，決定生死泥洹之道」。又言：「今我於此世間作佛，處於五惡五痛五燒之中，為最劇苦，教化群生，令捨五惡，令去五痛，令離五燒，降化其意，令持五善

，獲其福德度世長壽泥洹之道」。是則此經以「泥洹」為主體。當無疑義

。夫泥洹者，實相之別號，智度論云：「諸法實相是涅槃城，（按涅槃即泥洹之異譯）城有三門，空、無相、無作」。而實相者，無相無不相，相而無相也。欲明教體，當觀法性，法性也者不生不滅，不斷不常，心亦

強名，土於何寄。然非心非土，而即土即心，取捨俱捐，見聞絕待，豈可橫生計較，妄說是非，略標四義，以究法源。一者自他不二義；二者性相不二義；三者因果不二義；四者生佛不二義。自他不二義者，諸佛法身，徧周沙界，全自全他，不相違碍故。性相不二義者，大乘起信論云：「從本以來，色心不二，以色性即智故，色體無形，說名智身，以智性即色故，說名法身，徧一切處，所現之色，無有分齊。隨心能示十方世界，無量菩薩，無量報身，無量莊嚴，各各差別，皆無分齊，而不相妨也。因果不二義者，此經言：法藏比丘方發願已，空中讚言，必成無上正覺，又言眾生一念念佛，則是具足無上功德，當知因該果海，果徹因源，還同法華，初發心時，即成正覺，以法性中，因果不異故。究竟不可得故。

復次，涅槃境界，具常樂我淨四德，妙難思議，為出世聖人修證之極果。本經多處於暢談法相之後，必會歸法性。然則所謂安養世界種種事相莊嚴者，無非涅槃自性之莊嚴，佛特為方便巧說已也。

(三) 明宗

宗者宗趣，當部所崇曰宗，宗之所歸曰趣。淺言之，即依體起修之重要方法也。既已辨體若無方法起修，仍屬空名，怎能入道？故顯體之後，即須明宗。

本經以「發菩提心，專念彼佛，迴向求願往生」為宗趣。由以行人發心求大菩提，修菩薩道，故得聞十方諸佛名號，因得聞無量壽佛殊勝威神之力，乃專念彼佛，求願往生彼國，成佛度生。故本經要旨，示可以「願」字概括了。

淨土資糧，信願行三，願實為它的樞紐。因為有信無願，則信為虛信；行而無願，則行是狂行。信而發願，是謂真信佛語，行依願行，才得功不唐捐。尤須注意者，如行而無願，縱然念到一心，亦不得往生，行而有願，則能念到一心，固可上品往生，即或散心念佛，亦可乘願往生，不過品位不高而已。滿益大師云：「得生與否，全由信願之有無；品位高下，全由持名之深淺」。亦即此意。願和行的關係猶如舟之與舵。舟若無舵，則泛乎中流，永不得到岸。修行若無願，則輪轉六道。難望生西，蓮邦雖大，彌陀雖慈，終不能將無願生西者，強行拉扶去也。（待續）